

秋巖詩集

陳宜甫



欽定四庫全書

提要

秋巖詩集二卷

臣等謹案陳秋巖集散見永樂大典中然不著

其名亦不著時代考焦竑國史經籍志有陳宜

甫秋巖集當即其人而爵里則終無可考觀集

中有接劉介臣書詩云幾回夢裡尋君去三度

書來約我歸閩海浪肥春雨過和林沙遠曉雲



飛則當為閩人又有庚辰再隨駕北行二詩庚辰為至元十七年則元世祖時當為侍從又有讀元貞改元詔詩丙申十月扈從晉王領降兵入京朝覲詩考之元史丙申為元貞二年晉王名噶瑪喇案噶瑪喇原作裕宗長子天性仁厚甘麻刺今改正御下有恩王府官屬自內史以下俱請命天子

野要不敢稍專嘗出鎮北邊叛王永和爾

案永和爾原作岳木

燈安四忽免今等聞其至望風請降至元二十七年封改正

梁王二十九年改封晉王所云領降兵者應即此事則成宗時又為晉王僚屬其詩多與盧摯姚燧趙孟頫程鉅夫留夢炎等相倡和而諸人

詩中乃罕及之其始末遂不可復詳矣原集焦志作一卷然篇什稍多疑其字畫偶悞今據永樂大典所存者編為上下二卷雖運意遣詞之深刻奇警之致而平正通達語無格礙要自不失為雅音元人遺集年遠漸稀存之亦足備一

家也乾隆四十一年平月恭校上

...

...

...

...

...

...

...

欽定四庫全書

秋巖詩集卷上

樂府歌行


飲馬長城窟

我來長城下飲馬長城窟積此古怨基悲哉築城卒當

時掘土深望望築城高縈紆九千里死者如牛毛骨浸

窟中水魂作泉下鬼朝風暮雨天啾啾哭不已昔人飲

馬時辛苦事甲兵今我飲馬來邊境方清寧馬飲再三



元

陳宜甫

撰



嗅似疑戰血腥昔人有哀吟吟寄潺湲聲潺湲聲不住  
欲向何人訴青天不得聞白日又欲莫此恨應綿綿平  
沙結寒霧望望暮秋高營城八十里天音吹中主骨  
非來身望鄉歌寄盧疎齋許山古武基悲終幕如卒當  
天漠漠兮夜茫茫草蕭颯兮金風涼白日淡兮霧慘沙  
磧冷兮雲黃有人兮獨立而惆悵悲歌兮南望而思鄉  
邈孤鴻之影滅兮書不得而遠寄驚兔走之伏莽兮鄉  
思馳騁而發狂上車於半坡渺啞軋之餘響認寒廬之

幾點兮浮炊爨之烟蒼天將寒兮感物變歲欲暮兮單  
衣裳三載不浴兮薰瘦質之塵垢鬢根點雪兮亂飛蓬  
之秋霜心一去兮萬餘里望不及兮雲飛揚懷千載之  
向上兮人已云遠留萬古之遺恨兮綿綿久長高臺荒  
兮哀李陵節旄落兮感蘓郎蔡琰悲憤兮鬼呼母而失  
聲公主悲歌兮願為鵠而騫翔彼丈夫女子之不同兮  
其情況則一耳今我之念昔兮誰後我而悲傷奈天宇  
之開廓兮去留野鶴之容易垂我王之憫顧兮總歸吾

土而倘佯如醉夢兮意撩亂重悵望兮迴中腸悵望兮  
苦歌思之沉鬱抱琴兮託遺調於宮商

夜聞隴西歌有懷牧庵左丞  
君莫唱楊柳枝游子多別離君莫唱金縷衣人老更無  
年少時自古唱歌易悲感思入碧雲愁黯黯陽關三疊  
不堪聞何滿一聲腸已斷君不見大風雲飛揚漢歌思  
沛鄉又不見楚王氣蓋世泣下愁烏江英雄勝負揔塵  
土一樣蕭蕭白楊墓山河大地只如昨歌聲暗促年華

度我來隴西成浪遊寂寞春殘又到秋斜陽已落荒壘  
暝片月自照交河流此時旅腸悲火熱隴西歌客歌清  
切學將鸚鵡樹頭聲化作杜鵑枝上血寒風不動馬不  
鳴餘音嫋嫋含餘情却疑古來出塞曲至今流落傳邊  
庭我為沉吟愁不寐懷古思鄉賦歌意歌聲已斷歌思  
長白雲衰草天茫茫  
北方氈車千萬兩健牛服力駱駝壯清晨排作鴈陣行

北方氈車行

落日分屯夾旆帳  
轍分古道辨東西  
白雪黃雲不可迷  
後人迤邐循舊迹  
那知創自軒轅時  
兩輪奔奔如日月  
經年輾轉何時歇  
輾教沙草綠還枯  
幾過河冰凍仍裂  
江南野客慣乘舟  
北來只夢烟波秋  
於今天下皆王土  
欲得回轅到彼遊

夜靜聽道友董舒隱彈李陵思漢因賦長歌以  
寫其當時之意云呈傅初菴

幽人南來彈玉琴  
泠泠一曲悲南音  
况作李陵思漢調

使我夜聽憂難禁  
將軍雖云去已久  
得君為馮千古艱  
難心初撚指下纔  
輕舉黃金殿上聞  
天語將軍肯行天  
子許戰勝良功立  
須取大絃忽變軒  
昂聲指揮劍客真  
竒兵倏然百騎合  
爭戰亂箭如雨強  
弓鳴小絃喑鳴復  
抑鬱不覺計窮力  
應屈微臣慮遠深  
自謀莫逆帝心果  
安出須臾聲答雁  
聲長雁來無書徒  
憶鄉孤忠空照日  
耿耿慚愧強謝蘓  
中郎續續泛音轉  
迢遞遙望長空幾  
千里高臺揮淚落  
斜陽望斷漢宮五  
雲起司馬忠言猶

且疑臣心只願蒼旻知臣雖不歸築臺在後人或為臣  
傷悲我為聽琴哀此意何況飄蓬沙漠地幾年屢過將  
軍臺雲淡霜寒草憔悴今宵聽君彈此聲喜為將軍鳴  
不平曲終夜長萬籟靜使我歸興欲戀巖上松風清  
有父有父溪村居蒼顏白髮七尺軀醉時高歌樂踈曠  
家無擔石常晏如東憐西舍邀即去不復晚景悲桑榆  
有兒流落在天末未得歸隱同樵漁嗚呼一歌兮重長

嘆遙望家書寄迴雁

有母有母年七十家中倚門望兒泣昔年典衣供學書  
惟願功名當早立去年縫衣念遠遊老眼穿針恐行急  
兒也驅馳荷聖明薄俸寄歸嗟晚及嗚呼二歌兮忍悲  
傷白雲萬里閩天長  
有兄有兄純且長少年餬口遊四方前載相隨遠歸侍  
三人戲綵登高堂胡為伯氏早云歿使我不得如雁行  
如今遠求養親祿仲氏有賴常在傍嗚呼三歌兮悲百



種姜被孤寒不成夢  
有姊有姊在建陽  
大家辛苦事農桑  
兵後全身喜相見  
陳情未已酸離腸  
留錢漫效故人意  
悲啼寄語思爺娘  
別來三載消息斷  
也應憶弟留他鄉  
嗚呼四歌兮懷昔  
日抱我聽書近隣室

五言古詩

初春月寄王眉叟

嬌娥對春初新畫  
一眉月脉脉天涯心  
迢迢拜瑤闕微

光射邊壘行客憶  
離別今年十三度  
隨處見圓缺料得  
山中人憐我冒風雪  
素衣塵欲緇元髮  
星星忽忽惟此哉  
生明偏照歸心切

涇河詩一首寄王克齋同知

古人云涇河水流本渾濁  
今我來涇州見水繞城郭  
塵顏照清泚似怪纓  
可濯古來有讒士  
曾厭清流惡

讀灌夫傳呈傅初菴學士

堂堂灌將軍非與侯者儔  
挺身入吳壘發憤報父讎  
聲

名震朝野意氣凌斗牛鴻毛視貴戚加敬貧賤流及其  
去官日只結魏其侯武安約無信是啟怒所由况於行  
酒間一語輒不投遂乃致竒禍魏其甘與侂朝臣兩可  
奏太后魚肉憂上書竟不辨棄市渭城休地下為鬼雄  
怒目亟復仇武安族已矣一死俱荒丘雖云冥漠事亦  
是朝廷羞

山中入  
道友黃石崖寄惠李伯時所畫石鼎聯句圖詩  
題其後

美哉劉進士天賦俊逸才堂堂校書郎琢句如瓊瑰相  
逢一夜語特論無塵埃蒼髯醜道士骨瘦撐枯柴癡坐  
默以哂二子不足排等閑指石鼎共賦聊攄懷冥心運  
巧思下筆神鬼哀二子技漸窮道士方哈哈疊出險怪  
語不自人間來更闌燭見跋爐火成寒灰詩成各假寐  
鼻息聲如雷曙光已不見莫挽仙蹤回明朝語昌黎嘆  
服稱竒哉雄文照千古事迹不可埋龍眠畫入神寫意  
兼形骸厓翁秘之久寄贈來金臺披圖再玩味使我昏

眸開精神儼如在恨不吾同儕長歌續遺響清風繞茅  
齋

雙耳忽鳴

雙耳忽爾鳴似非人籟傳晴雷殷白晝石澗奔寒泉曾  
瑟固宜捨陶琴可無絃真心試靜想觸類問蒼天

徐州讀黃樓碑

黃樓灰燼餘基峙東門外雄碑刻石賦烈火燒不壞美  
哉詞翰人光焰好文彩世間兩奇絕呵護有神在風流

尚可想山川見英邁清河通渺茫黃河急流會隄防太  
守功一力去民害重城不沮洳至今感遺愛我來立斜  
陽一讀一再拜企慕賢弟兄清光照千載

送琴與閻子靜承吉

我從西陸來只挾書與琴書以閱古道琴將回古心誰  
謂今之人寥落無知音先生一邂逅磊磊開胸襟慨然  
志氣合起我擊節吟請君彈文王周雅尚可尋再理杏  
壇操魯風尤所欽莫調出寒曲游子悲難禁君歸抑何

贈所媿無瑤琳舉琴以送君聊比雙南金  
去秋藏篋中依舊明月在携持骨格輕發揮力量大四  
海蒙清風炎官悉除害不以用舍期握手永相愛  
留忠齋承旨南歸蒙寄廣香鹽梅作別

渴心久生塵鼻孔徒撩天豈意留夫子脩書念矐僂竒  
香清垢衣鹽梅止饒涎氣味憶吾土安得隨歸鞭  
范侍郎自燕都來惠韭

久居大漠天不見生芻束慣儲狐兔味飽啖牛羊肉故  
人燕山來新韭剪春綠籐筐慎愛護道里經十宿抖擻  
猶芳鮮惠我意良篤紅盤飮翠霧下筋興已足一洗腥  
羶腸稍慰藜苒腹永懷夜雨吟歌聲繞梁屋

龍虎山靖通菴前有古樹腹空忽生新竹自腹  
中而出同山諸友吟咏甚多予乃繼韻  
山中有古樹矯矯蟠深根磅礴數十圍秀色何氤氲鐵  
幹霜雪老蒼皮苔蘚痕虚心守貞固象木同推尊堂堂

此君種深感母子恩四月剖脇生蒼蒼凌天門胡為老  
龍精養此幼小孫拳拳慎懷抱器質如瑤琨恐是孤竹  
君見此再世魂或疑費長房化杖從飛奔崢嶸日已長  
期汝未易言清風滿巖谷直節挺乾坤扶持得神力呵  
護嚴虎賁俯憐老大身有賴清蔭存天寒籍垂芘風撼  
為屏藩相依若唇齒氣味同蘭蓀許容女蘿附削去荆  
棘繁我欲美真宰高標在淇園

六 故大蟻出一首同張太監賦

三月春雷鳴朔方啟萬蟄茫茫沙穴中衆蟻出如翕亂  
走若經營引隊類出征相逢共耳語得食同羶腥我亦  
蟻蟲臣飄零寄茲土不招南柯夢願盼重憐汝歌詩為  
徐行惟恐傷汝生

富陽李宗勉丞相墳

丞相何年薨鬱哉此佳城石羊卧烟雨兩馬驕欲鳴翁  
仲喚不應夜語招山精往昔朱旒來入詫死塋榮鑿山  
進深邃砌石宏經營結廬慎呵護樵牧焉敢行豈不有

子孫歲歲酌酒傾豈期百年後反使神鬼驚風濤翻浙  
水亂卒交縱橫民居擄掠盡猶記死者名操戈立塚上  
嘯動疑山崩春鋤闖揮手舉石犁為坑紅棺碎霞色體  
貌渾如生提撕解寶帶收拾金滿籩一槌控渠口採出  
珠光明形骸委泥草老樹飢鴉聲恐公德不及身後禍  
乃萌或為此財累以致害不輕未從史書見重感空墳  
塋舟人指示予歷說為愴情長林落日暝遠浦寒烟晴  
歌詩弔冥漢江濶愁波平

七言古詩

謝平原趙郡公贈山桃杖

君不見少陵桃竹杖拔劍或與蛟龍爭又不見東坡鐵  
拄杖迸火石上飛裂星二公去已久今遇平原叟吾衰  
氣未餒欲趨牛馬走美君出入真如飛山桃拄杖長相  
隨秋巖老人效所好慚愧慷慨擲與之赤虵入手鱗甲  
縮可游天下棄車轂大道徐行鬼神哭探出一指豹虎  
伏橫挑百錢尋酒家不須經卷掛南華春風好訪瑤池

去試問蟠桃幾度花  
京兆廉訪使趙彥澤贈柳瓢梭扇  
昔聞趙廣漢治民立政為銘簡又聞趙閱道宦歸只有  
琴鶴從觀君矯矯真華胄如神摛伏清廉同我來相逢  
再相別感贈二美情攸隆瓢分海南煙雨之椰子扇裁  
華山雲壑之七梭左手携瓢汎春酒澆除磔柯生顏紅  
右手携扇却夏熱煩襟蕭爽香塵空酣歌慷慨意不欲  
自笑鄙語難形容願君飲水去酷吏我當斟酌元氣揚

仁風

隆德縣望火臺

近山一臺突兀勢遠山一臺出天際何時築此望烽火  
留及如今太平世六十年來無甲兵西方樂土邊陲清  
君王神武今混一藩籬大剖無金城尚餘此臺屹山頂  
照月愁風挂孤影昔人觸目心膽寒今日空迷野烟暝  
行歌為我重悲傷願臺萬年無火光

李陵臺

將軍少年真英雄隴西家世凌邊鋒奇材劔客五千士  
自當一隊馳威風浚稽山前突戎騎被圍未陷生擒計  
強弓勁弩百萬兵流血成丹皆戰驚誰知管敢漏機密  
遂使空拳冒鋒鏑歸無面目見君王將身未免降勅敵  
繼曾殺李緒尚欲謀歸去蒙恩雖已深實起懷鄉心高  
陵築臺望鄉國中郎去後空哀吟累土高一尺望天近  
一尺誰為削平山望見長安陌望鄉不見春復秋將軍  
一去臺空留我家住在南海上今日登臺重悽愴遼天  
漠漠飛黃雲草中但見牛羊羣家山不識在何處教人  
空自憶將軍

題金城縣漢李夫人墓

延年歌發漢主惑緣何傾城再傾國為言美人絕姿色  
曠代不遇難再得瑤臺金屋流春風夫人綽約真天容  
等閒承恩媚一笑六宮爍伏花顏紅寵深體弱忽寢疾  
不願君王顧衰質免將有托即瞑目死別那知恨無極  
玉簫聲斷知何許落日悲風愁萬古一從香骨葬金城



芳草青連茂陵土

額葉布哈觸網得雙白魚燒以待予為歌長句  
一雙白魚不受釣截流有網無由逃銀刀鼓躍眼光轉  
濡沫濕煦空喁噉城門失火幸免耳爛額焦頭那及此  
旋看二美出凌煙天池快意燒龍尾雪肉肥鮮慰老饕  
金鐘醕酒發詩豪醉來還唱漁家曲欲駕雲帆釣巨鼈

索馳雛一首寄吳成季

索馳雛生來已高三尺餘昂頭便覺氣貌殊學跪有禮

端莊如主人念幼寒迫膚覆以錦毯花模糊母步亦步  
趨亦趨一旦百里力不瘳有時跳梁挽駿駒耻在牛後  
唾黔驢沙泉足飲草滿墟肉峰易聳身魁梧看爾負重  
行天衢

一蠓吟同晉承旨賦

一蠓飛從何處來泊我書葉如點埃眼明細辨見形狀  
喙潛脚動翼稍開雖云區區至微命汝亦含靈存本性  
不隨蚋蝥嗜人膚獨立暫時那忍屏君不見莊生廣論

萬物齊蚊睫可托焦螟栖仲尼一聽老聃語自媿聞道  
猶醞鷄嗚呼古人已往不復返對汝興思重嗟嘆

五言排律

和吏部趙子昂久雨見寄

屯營襄武地秋雨久難禁雲色浮天近客愁連海深陰  
迷山寂寞冷滴樹蕭森雁濕低垂翅馬行淹壯心少陵  
憂草色無已笑鳶吟泥濘難相屈徒懷誼斷金

謝張疇齋惠筆

深感贈予筆江淹好夢醒聽陳古人意吟取與君聽毛  
髮欲上指鋒芒初發硎墨雲蒸九澤硯水捲滄溟造化  
寧無補江山助有靈峽流春洶洶溪霧晝冥冥大手誇  
無敵英賢得寧馨我才慚朽木吟思蕩浮萍縱欲窺天  
巧那能瑞帝庭徒扛九鼎重難釣五侯鯖蛇悔多添足  
蠅知誤點屏班超投有志王述怒空形冥歛浮光彩間  
脩靜典刑養生抄素問學道寫黃庭批註鑽龜策標題  
相鶴經詩歌宜泛水文冢合書銘適意添花譜垂名厭

竹青品茶追陸羽頌酒繼劉伶白髮為何事青山可暮  
齡慙勤祝毛穎爾勿嘆伶俜  
過華清宮和溫庭筠詩二十二韻  
前王遺構地今我獨來遊渭水煙如昨驪山樹已秋苔  
荒老姥殿草滿夕陽樓下馬山腰曲朝元雲頂頭週迴  
認故跡想像走諸侯春暖回龍駕天寒進翠裘時平安  
御極曙早肅宸旒節鎮威威服農家稼倍收溫泉媚池  
沼和氣舞旌旂歆盛真妃寵驕生義子羞宸區平似掌  
逆黨曲如鉤眷顧迷方寸須臾撼九州眉愁太液柳齒  
嚙未央榴龍子扶新日猪兔殺怒虬蜀山旋六御桃野  
放羣牛豈不天神力能消父過尤山人禪聖德猛將運  
兵籌既復安巢鳥難忘汗血騮紛紛史上記忽忽夢中  
休故國雄三輔鬼坡怨一丘日邊通路遠天際斷雲愁  
嘆息人何在山泉依舊流

*[Faint bleed-through text from the reverse side of the page, including characters like '欽定四庫全書', '卷上', and various characters.]*

欽定四庫全書

秋巖詩集卷下

元 陳宜甫 撰

五言律詩

讀改元詔

詔下改新元元貞體大乾風雲開景運日月麗中天桃

實三千歲羅圖億萬年微臣仰春澤早潤及窮邊

元貞丙申十月扈從晉王領降兵入京朝覲

奏凱引降騎長歌入帝都人皆帶弓箭我獨載詩書考

績慚無補懷歸盍早圖故交相慰勞尊酒話勤劬書法  
丙申秋同錫喇平章重過和林城故宮  
昔日憲皇帝和林建此宮中原盡朝貢嘉運會英雄沙  
漠皇風遠蒿萊古殿空最傷西蜀道六御不回龍  
庚辰春再隨駕北行二首

天地蒼茫濶其如旅况何冰融河水濁沙接塞雲多土  
穴居黃鼠氈車駕白駝栖栖無所樂遠近聽朝歌  
四更催蓐食結束鬧比隣人去留殘跡車行擁後塵雲

開還有月風冷不知春幸得狐裘在溫存逆旅身

梁王春宴

碧草春光合青雲羽衛屯和風生帳殿遲日轉轅門樂  
緩新聲奏歌長倚和喧微吟動高興未數漢梁園

晚霞

紅霞散天外掩映夕陽時織女拋殘錦蚩尤播火旗江  
風吹葉落野火旁山移愛此光華好沉吟欲去遲

秋夕一首寄李明府

獨坐真無賴清吟誰與同  
壯心惟浩嘆往事已成空  
明月秋砧起西風畫角雄  
如何今夕夢多在故鄉中

秋蓬

秋蓬元脆弱蟠結強扶持  
一夕因風斷孤根到處移  
行人搔白首書客感龐眉  
莫使心如此朝朝可自治

九日明朝是寄吳成季

九日明朝是征人未到家  
書無來使便菊有故園花  
秋鬢霜根短西風雪片斜  
持螯閑老手愁思滿天涯

九月九日有懷平原郡公趙五山

經年留朔漠此日又重陽  
游子淚沾雨行軍氣挾霜  
沙場愁草白籬落憶花黃  
忽念登高處淒涼更一觴

同盧疎齋學士泊舟桃源縣

客行河水上倚棹望桃源  
近有人來住新栽桑滿園  
沙鷗宜綠水驛馬又黃昏  
忽聽漁歌響武陵愁客魂

舟中負暄次趙吏部韻

燠燠耀紅輪熙熙曝背人  
晴消兩岸雪滿載一船春  
天

地溫存意江湖冷落身因思獻君去歡喜整烏中

洛陽

一出新安道停驂看洛京草埋東漢殿樹暗則天城風  
月渾依舊山河幾戰爭客行懷往事更值暮猿聲

晚行渭南道中同張太監賦

驛路多酸棗行人翠色中涼風生渭水落日照新豐犬  
吠前村遠鴉飛暝靄空客遊便水竹去馬惜匆匆

隆德縣德勝寨

五代以來隴右之地為吐蕃所有宋祥符間  
曹武穆公復其地築寨屯兵以守之古碑猶

在李時傑請予賦詩以紀勲臣之遺跡焉

將軍拓邊地曾此立竒勲野草生空寨荒城鎖暮雲山  
留舊耕跡苔暗古碑文得失如翻掌後人徒憶君

夏日旅中

五月駉駉過遷營又轉車乳禽鳴野草亂螿走荒沙雨  
老萁麻葉風吹大戟花地涼無苦熱自是客思家

客行思故鄉聞笛轉淒涼不見梅花落空愁塞草黃  
鴈聲沉遠漠牛背送斜陽出塞翻新曲誰知恨更長

次盧疎齋韻

不聽琵琶久攜琴為寫憂黃鐘明月夜青塚白雲秋  
悲怨當時語淒涼此日愁曲終意不盡鳴鴈過幽州

塞上聞鷄呈崔中丞

塞翁帶鷄至唳嘶塞垣深喚醒征人夢遙思君子心  
霜

寒秋草短月落曉星沈凝促劉琨輩相同舞劍吟

次程雪樓御史見寄韻

昨擬賦歸去那知又再來黃雲馳驛道落日喚鷹臺  
得句懷三影通靈慕萬回知君重思遠難寄隴人梅

晚立

晚立動詩興涼風吹角巾空山答吠犬殘照送行人  
天外五湖思邊陲萬里身家書春暮寄何日到南閩

懷川晚立



清川繞縣衙小立共汀沙暝色催歸鳥春愁對落花江  
湖頻戀闕風雨更思家出處成何事唯添兩鬢華

得家書報父病憂悶而作  
親年逾八十隨分老江村舊喜更生齒今憂病不言孤  
雲憐白首薄日畏黃昏幸得加餐外猶能飲一尊

張叔紀自燕寄書賦此以答

六年書兩得意重語殷勤夢話薊門雨行吟沙塞雲蒼  
蠅思驥尾野鶴笑雞群南望空惆悵天寒日又曛

理髮一首寄傅初菴學士

清晨獨理髮髮短似鬚長白日行何速蒼顏祇自傷林  
間空水石馬上亦風霜憔悴今如此詩歌未減狂

賦紙被呈王克齋同知

楮糜秋水滑造出已端方一片雪如席幾多春滿床梅  
花頻有夢龍腦不沾香只抱天然白綺羅難久長

觀曹娥廟碑同張師道學士賦

汨流七日哭竟與水浮沉河泊不敢受父屍終可尋斷

碑秋雨暗古廟暮雲深忠孝男兒事吁嗟女子心

歌風臺

高祖去已久歸如鬼鬼何俗傳西漢事碑刻大風歌山  
遠分滕壤水開響沛河荒臺兩間屋衰草夕陽多

陪趙左丞晚過臨潼

臨潼天欲暮騎馬去駸駸翠湧驪山秀清流渭水深路  
繁酸棗樹市接古槐陰明日長安道新詩擬共吟  
徐浩然任西京經歷考滿回京訪予於城西寓

舍賦此以寄

燕山逢舊友喜欲舞娑娑屈指三年別論心半夜過車  
輕寒馬健囊溢薦書多却問西京地民風近若何  
次詹天游學士見寄韻

張望日邊客天遙雲水重書中曾寄語夢裏忽相逢細  
雨埋芳草寒煙入古松何時一晤語尊酒又從容  
送京兆侯伯偉入歸覲

十年江海上英邁已超倫斗酒辭狂客千金壽老親陰

風吹北塞明日照西秦驛馬天涯去中原花正春  
寄史蘭谷少監李海一尚書

天寒幽薊遠懷友苦勞心最喜加官秩曾煩寄俸金雪  
消蘭玉秀春暖海濤深何日蓬萊館觴飛共醉吟  
送徐留村之上饒教授

聖朝方選士補治舉弘綱此道重昭灼惟公妙左張燕  
臺秋月白葛水曉風涼同是江南客離情易慘傷

懷李明府在閩

別來經兩載出處喜平安舉世多權吏惟君獨冷官林  
霜黃橘熟山雨綠榕寒邊使歸來日音書定得看

失馬次張疇齋學士韻

想因貪草去杳莫聽嘶鳴失豈不為福無之何以行雪  
深空有跡鞍在末忘情只合蹇驢背吟詩興轉清  
淺草卧纔穩俄驚獵騎鳴塵迷三穴失電過幾坡平捷  
疾飛鷹攫踉蹌走犬爭月中那得路搗藥乞長生

悲獵兔

七言律詩

扈蹕作

丹詔香傳紫禁泥九重臺殿曉雲低碧桃露重初鶯語  
青草風微去馬嘶劔佩元依新月旌旗慣識舊山溪  
野人扈從慚無補空落詩名在隴西

贈汪總帥

風嚴帥府氣昂霄三十青春貴不驕將相一門多厚祿  
功勲百世重清朝珂鳴紫陌春行馬箭入黃雲晚射鵰

武略不施邊塞靜幾回瓊帳話逍遙

后賜狐裘

青紫貂蟬分不容狐裘猶得賜微躬恩來窈窕宮庭內  
春在蒙茸領袖中披拂灞橋驢背雪浸凌薊北馬頭風  
何時詔許江南去着向烟波理釣蓬

讀忠齋題西游藁詩有懷

治由經濟信真儒周度諮詢用厥謨嘉爵已崇承旨貴  
至尊常獨狀元呼吳天歲月頻清夢燕地風霜久白鬚

展卷有懷歌雅什可慚魚目映驪珠  
讀舅氏歐耐軒遺藁用思齋嘉善日崇奉旨書  
舅沒於今二十年文章零落更誰傳朝廷不喜劉蕢策  
風月空留李賀篇得米養親供子職有才無命豈不然  
人言我貌偏相似收讀羣書即舊瓊

青紫題張騫乘槎圖

雪湧銀濤八月秋風吹巾袂興悠悠坐來蓬島千年樹  
穩勝蓮花一葉舟星照橫機聞織女月明清渚立牽牛

偶然得石歸來後却厭金張萬戶侯

白雲谷題吳綵鸞寫韻軒詩

衣染紅塵幾歲除琪花瑤樹憶清都光寒秋月歌明鏡  
香暖春風曳繡襦仙態自來天上別韻書應怪世間無  
彩雲夢散簫聲遠日落江山空畫圖

鳳凰山鐵柱宮

大冶飛紅役鬼兵南昌雄鎮得清寧地神肅護天風靜  
鐵氣遙浮江水腥銅柱石高空有信金盤露冷竟無靈

還知許令神功異直對西山萬古青  
金盤露冷黃雲  
大嶽無仙巖  
共南昌  
孤巖  
紫雲  
與  
軒  
有  
蒼  
天  
風  
靜  
颯  
颯  
松  
風  
吹  
鬢  
毛  
溪  
流  
洗  
耳  
遠  
塵  
勞  
七  
千  
餘  
鶴  
春  
歸  
晚  
二  
十  
四  
巖  
秋  
正  
高  
露  
滴  
桂  
香  
浮  
酒  
盞  
山  
蒸  
雲  
氣  
潤  
詩  
袍  
扁  
舟  
半  
是  
乘  
槎  
客  
吟  
振  
雷  
聲  
撼  
海  
濤  
路  
書  
飄  
到  
世  
間  
無

鳳凰臺

白雲蒼蘚古臺基憶得當年鳳去時  
深慕楚狂歌往諫  
空懷虞德見來儀  
英雄磨滅青山在  
梧竹淒涼落日悲

草滿鷺洲吟思遠薄材難和謫僊詩

同狄子玉司馬登和林佛閣留題

邊城寂寞磧雲黃興廢令人重感傷  
鴉噪夕陽迷佛宇  
烟凝秋色暗宮牆  
十年故國人何處  
九月陰山草又霜  
共倚欄干懷往事  
金仙無語塞天長

晉升屋同張尚書趙侍郎飲於長安酒肆主人從予乞

四韻入對句標題予為題曰萬斛香浮金掌露四時人

醉洞庭春上馬後足成一詩  
萬斛香浮金掌露

偶從酒肆樂天真又見羲皇化俗淳  
 萬斛香浮金掌露四時人醉洞庭春  
 休官最喜陶元亮荷鍾當隨劉伯倫  
 晉代風流無復見更誰傳此醉鄉神  
 聞崔中丞舉薦李明府  
 牕螢乾死冊塵埃滿擬功名寄酒杯  
 富貴逼人從分定等閑乘興出山來  
 馬鳴曉入皇都府鶚薦秋飛御史臺  
 君與石溫同去就烏公元自識奇材

沛豐懷古寄程雪樓御史

大蛇中斷戰旗紅一旦興王起沛豐  
 三月灰飛秦事業四方雲合漢英雄  
 張良雖有運籌力項伯當全舞劍功  
 帝業如今何處是歌臺荒草自春風

送東崖劉大使重赴上都朝覲

氣與嶽雲相盪摩詔催驛騎渡天河  
 江南遍覽湖山房薊北重來雨露多  
 逸思可齊鸚鵡賦閑愁休續伯勞歌  
 佇看醫國陳奇術春養蒼生合太和

咸陽懷古寄李叔固尚書

鹿走咸陽王氣微幾朝爭戰幾安危水聲如說隋唐事  
山色不殊秦漢時春事管絃宜進酒故陵煙雨易生悲  
向來豪傑俱成夢空費行人弔古詩  
屏典寄友人作  
年壯共嗟吾與君苦愁詩思亂紛紛邊城古路開殘雪  
夜月孤鴻叫斷雲天遠望鄉懷渺渺歲窮流水歎沄沄  
眠醒獨更堪清冷烟隴空寒山笛聞

有感

爾因何事多湮鬱俛首長鳴若不休憶載浩然寒鍊句  
思從果老舊仙遊戍樓風起角初咽戰地雲昏鬼亦愁  
莫笑窮途悲歲晚帝城春近逐驂騑

憶梅懷傅初菴學士

十年不見梅花樹長憶暗香冰雪顏心逐暮雲飛庾嶺  
夢隨寒月到孤山縞衣叩戶來何晚翠羽傳書去未還  
一自西湖幽響絕豈無詩句落人間

用閻子靜承旨贈行韻奉寄



喚醒舊夢十年前老得清閑似散僊幾度行吟燕月下  
遙思家住海雲邊蒲團夜學修丹術花宴春忘舞錦纏  
好信不來鴻鴈遠斷腸人在幕南天  
十年不得姚牧菴左丞書賦此以答  
憶從相別醉吟鄉漠北燕南幾雪霜四海競傳三語掾  
一書偏慰九迴腸智囊賸有安民術荷橐能無薦士章  
拭目看君承寵渥春風花對紫微郎

重接劉介臣書

記得登舟惜別離天涯相望兩依依幾迴夢裏尋君去  
三度書來約我歸閩海浪肥春雨過和林沙遠曉雲飛  
今秋擬逐歸鴻便為說家中莫寄衣

聞鴈聲一首寄張子有尚書

汎汎扁舟綠渺茫鴈聲呶嘯送淒涼孟郊句澁沉吟苦  
賈誼書成太息長響答漁歌來近浦清搖人影舞斜陽  
縱然喚醒江湖夢遊子難禁鐵石腸

懷李海一尚書

記得去年寒食後君從北上我西遊山川總入英豪氣  
風雨不堪離別愁歸馬有知元識路來鴻無信動經秋  
燕臺又擬相逢日共說長安古帝州  
寄舅氏歐澹庵  
南海山村別業成有園堪種地堪耕携書自教兒孫讀  
對客曾談宅相榮飲酒頗同康節興年高肯慕太公名  
遙知散步秋風外吟看寒潮落又生

北方松子寄天師希微真人

窮髮之北有山岡松花結子成千章蒼皮已護霜雪操  
玉齒偏凝雨露香未論封公羨丁固更思辟穀學張良  
殷勤好向仙巖種生意林林看綠秧

弔李時傑

忠歿誰稱叔父賢屬官隨母入幽燕將門氣槩終無忝  
詩筆英華早已傳廣不封侯知有分賀悲短命却同年  
寡妻幼子哀哀哭地遠天寒最可憐

西山晉柏

當日旌陽種此株千年霜雪不曾枯  
 葉驚蛟泣秋雨  
 榦作龍拏夜月珠  
 定有丹培資地脉  
 許容藤附入山圖  
 不知諸葛祠前樹  
 得似仙壇一樣無  
 石竹花次留忠齋  
 狀元韻  
 瘦小琅玕聚碧叢  
 雕紅鏤白靚芳容  
 詞人彩筆搗文錦  
 玉女羅衣唾繡茸  
 鳳擬結巢非所托  
 蜂因採蜜巧相逢  
 一枝欲寄仙娥去  
 雲隔蓬萊水萬重

同張學士賦蓮房

霞衣零落點烟波  
 香結驪珠聚碧窠  
 齊露玉纖含翠袖  
 圓同佛頂湧青螺  
 柄持絡繹絲綸出  
 心展勾萌造化多  
 今夕扁舟湖上興  
 醉來同和採蓮歌

同張子友尚書賦芭蕉

榮瘁根苗換歲年  
 綠雲光照玉闌前  
 雙開掌扇平遮日  
 一卷新書直奏天  
 自可題詩供醉筆  
 不堪聽雨攪愁眠  
 若教種滿人間世  
 得鹿紛紛到夢邊

孤鴈寄王眉叟

澹澹長空幾陣橫西風吹斷獨飛鳴可憐落落失明侶  
似我行行憶弟兄影度黑河秋月冷聲沉紫塞暮雲平  
江湖自有重逢處努力圖南不用驚

弔馬骨

逐電追風意氣休尚留枯骨委荒近龍姿寂寞歸圖畫  
雪片糝糊慘鬪髀露濕寒沙殘月曉風搖衰草白雲秋  
千金不遇消人買空有啼鴉弔汝愁

五言絕句

聞雞

度關人已遠倚劔夜初分我亦待清曙前村多白雲

七言絕句

駕行道中見老農

老農村裏別無營飽飯惟知樂太平天子駕來應不顧  
低頭鞭犢自春耕

同汪總帥賦秦王馬跑泉

勞苦遠行飢渴煎霜蹄輕跑湧寒泉如今又照驂騮影

不似當初出戰年

呼鷹臺

當日呼鷹意氣雄  
高臺揮羽立秋風  
自從一飽飛揚去  
空有鴉啼夕照紅

題明皇遊月宮圖為賽音平章賦

內亂俱平外攘生  
着心看到月華明  
若能慣步蟾宮路  
何必龍輿望蜀行

昭君出塞圖為姚承旨賦

低撥琵琶怨思長  
不禁塵染漢衣裳  
君王豈是無奇策  
閑却將軍用女郎

渭水

萬古清流繞郡迴  
幾朝宮殿化飛灰  
釣璜人去秋波冷  
歲歲西風鴈影來

過交河作

黃昏飲馬到交河  
吟着唐人出塞歌  
後四百年來到此  
夕陽衰草意如何

北去李陵經幾秋築臺憔悴望鄉愁可憐隴右天窮處  
不見交河只淚流

次張斯道學士韻

不是金華眠石化成羣遠出黑山陰蘓郎一去無人管  
散入寒烟野草深

和林城北唐闕特勒墳

特勒魂飛已寂然間華落盡草芊芊大唐碑碣秋風裏  
猶是開元二十年



律